

UGOVOR
ZA NABAVKU RADOVA – ZAMJENA STOLARIJE U TOALETIMA
USTAVNOG SUDA BOSNE I HERCEGOVINE

Zaključen između:

1. **USTAVNI SUD BOSNE I HERCEGOVINE** sa sjedištem u Sarajevu, ul. Reisa Džemaludina Čauševića 6/III, kojeg zastupa predsjednica Ustavnog suda Bosne i Hercegovine, Seada Palavrić (u daljnjem tekstu: Naručilac)

i

2. **PROGRAD HOLZ d.o.o. Žepče**, Donja Golubinja bb, Žepče, kojeg zastupa Elvedin Badnjar, direktor (u daljnjem tekstu: Izvođač radova)

Član 1.
(Predmet ugovora)

Predmet ovog ugovora je nabavka radova – zamjena stolarije u toaletima Naručioca prema definisanim uslovima iz tenderske dokumentacije SU-08-927-4/24 od 10. oktobra 2024. godine i prema sadržaju ponude broj 128/24 od 23. oktobra 2024. godine sa kojom je Izvođač radova učestvovao u provedenom postupku konkurentskog zahtjeva za dostavljanje ponuda.

Član 2.
(Cijena)

(1) Ukupna predračunska vrijednost radova iz člana 1. ovog ugovora iznosi 12.796,50 KM bez PDV-a, odnosno 14.971,91 KM sa uračunatim PDV-om.

(2) Ukupna vrijednost iz stava (1) ovog člana je utvrđena na osnovu Ponude Izvođača radova.

Član 3.
(Rok za izvršenje radova)

(1) Izvođač radova se obavezuje na završetak i predaju posla najkasnije 90 dana od dana stupanja ugovora na snagu.

Član 4.
(Ispostavljanje fakture)

(1) Naručilac i Izvođač radova su saglasni da će se faktura ispostaviti po okončanju posla, na osnovu stvarno izvršenih radova i ugovorenih cijena, nakon što obavljeni posao bude uredno primljen od strane Naručioca i potpisan zapisnik o primopredaji u skladu sa članom 7. Ugovora.

(2) Izvođač radova će fakturu ispostaviti najkasnije 90 dana od dana stupanja ovog ugovora na snagu, što podrazumijeva prethodno okončanje ugovorenog posla.

Član 5.
(Uslovi plaćanja)

- (1) Naručilac i Izvođač radova su saglasni da se plaćanje izvrši nakon što je ispostavljena faktura za radove (u skladu sa prethodnim članom).
- (2) Naručilac je dužan izvršiti pregled fakture najkasnije u roku od 5 radnih dana od dana prijema fakture.
- (3) Naručilac će fakturu proslijediti na plaćanje Ministarstvu finansija i trezora BiH, najkasnije u roku od 30 dana od dana prijema fakture bez primjedbi.
- (4) Izvođač radova je saglasan da neće zaračunavati kamatu za eventualno kašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 6.
(Organizacija rada)

- (1) Naručilac će sa Izvođačem radova definirati potrebe izvođenja radova tokom vikenda, po isteku radnog vremena uposlenih kod Naručioaca i pristup pojedinim prostorijama Naručioaca.

Član 7.
(Završetak ugovorenih radova)

- (1) Pregled završenog posla će izvršiti komisija koju će sačinjavati predstavnici Naručioaca i Izvođača radova. Komisija će sačiniti zapisnik o pregledu i prijemu i sačiniti listu eventualnih nedostataka sa rokom njihovog otklanjanja. Naručilac je dužan pristupiti pregledu završenog posla najkasnije u roku od 2 radna dana od prijema pismenog obavještenja od strane Izvođača da je posao završen.
- (2) Zapisnik o primopredaji će se potpisati nakon što Izvođač radova otkloni sve eventualne nedostatke koje je utvrdila komisija.
- (3) Ako se zapisnikom kod primopredaje ustanovi da Izvođač radova mora određene radove dovršiti, popraviti ili ponovno izvesti, a on to ne učini, Naručilac može angažovati drugog izvođača za navedene radove na teret Izvođača radova.

Član 8.
(Nepredviđeni radovi i višak radova)

- (1) Nepredviđeni radovi podrazumijevaju radove koji nisu precizirani u tenderskoj dokumentaciji odnosno u obrascu za cijenu ponude, a neophodno ih je izvesti. Izvođač je dužan da o takvim okolnostima bez odlaganja u pismenoj formi obavijesti Naručioaca.
- (2) Prijedlog liste nepredviđenih radova, sa opisom, predmjerom i predračunom troškova, Izvođač dostavlja Naručiocu u pismenom obliku. Za izvođenje nepredviđenih radova, Izvođač mora imati pismeno odobrenje odnosno saglasnost Naručioaca.
- (3) Za izvođenje viška radova, odnosno radova koji prema vrsti spadaju u ugovorene radove, ali prelaze količine predviđene tenderskom dokumentacijom odnosno obrascem za cijenu ponude, važe ugovorene jedinične cijene.

Član 9.
(Garantni rok)

- (1) Izvođač radova garantuje kvalitet izvršenih radova u trajanju od 12 mjeseci (garantni rok), računajući od dana potpisivanja zapisnika o primopredaji radova bez primjedaba.
- (2) Tokom garantnog roka Izvođač radova će, po pozivu Naručioca i o svom trošku, otkloniti sve nedostatke koji su posljedica slabe kvalitete izvedbe.
- (3) Naručilac je dužan o svim ustanovljenim nedostacima odmah, u pismenoj formi, obavijestiti Izvođača radova.
- (4) Ako se Izvođač radova ne odazove na poziv Naručioca u roku 48 sati ili ako ne otkloni nedostatke u dogovorenom roku, Naručilac usluga može pristupiti otklanjanju predmetnih nedostataka na teret Izvođača radova.

Član 10.
(Obaveze Naručioca)

Obaveze Naručioca su da:

- a) uvede Izvođača radova u posao
- b) da imenuje kontakt osobu/e koje će tokom cijelog perioda trajanja ugovora biti na raspolaganju Izvođaču radova;
- c) izvrši prijem posla obavljenog u skladu sa ugovorom;
- d) izvrši plaćanje obavljenog posla, na način predviđen ovim ugovorom,
- e) Izvođaču radova odmah, a najkasnije u roku od 24 sata, da sva objašnjenja i uputstva koja Izvođač radova zatraži.

Član 11.
(Obaveze Izvođača radova)

- (1) Izvođač radova se obavezuje izvršiti posao odgovarajućeg kvaliteta i u traženom roku, prema odredbama ovog Ugovora, pridržavajući se važećih standarda i pravila struke.
- (2) Izvođač radova se naročito obavezuje:
 - a) da osigura nabavku dovoljne količine svih predviđenih materijala koji odgovaraju standardima;
 - b) da osigura neometan rad Naručioca i drugih institucija smještenih u objektu tokom perioda izvođenja posla, odnosno da ometanje rada korisnika u zgradi Naručioca svede na najmanju moguću razumnu mjeru;
 - c) da odgovara za sve štete koje prouzrokuje nesavjesnim ili nestručnim izvođenjem posla, te da o svom trošku otkloni ili finansijski nadoknadi svu tako nastalu štetu;
 - d) da sudjeluje u radu komisije za pregled i prijem posla, te postupi po primjedbama te komisije.
- (3) Izvođač radova je upoznat sa uslovima na mjestu izvođenja radova i po ovom Ugovoru prihvata izvršenje predmetnog posla bez ikakvih ograničenja.

Član 12.
(Nadzor)

(1) Naručilac zadržava pravo da angažuje zaposlene Službe za zajedničke poslove institucija Bosne i Hercegovine za vršenje stručnog nadzora i koordinaciju tokom realizacije ugovorenih poslova u ime Naručioca.

Član 13.
(Raskid ugovora)

(1) Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 10 dana.

Član 14.
(Rješavanje sporova)

Eventualno nastale sporove pri realizaciji ovog Ugovora, ugovorne strane će rješavati mirnim putem. Ukoliko se spor ne može riješiti sporazumno nadležan je Sud Bosne i Hercegovine u Sarajevu.

Za sve što nije regulisano ovim Ugovorom, primjenjivat će se odredbe Zakona o obligacionim odnosima.

Član 15.
(Stupanje na snagu)

Ovaj ugovor stupa na snagu danom potpisivanja od strane ovlaštenih osoba ugovornih strana.


Član 16.
(Broj primjeraka)

Ovaj ugovor sačinjen je u četiri istovjetna primjerka, od kojih svaka ugovorna strana zadržava po dva primjerka.

ZA IZVOĐAČA RADOVA

Elvedin Badnjar

Direktor



BOŠNA NARUČIOCA

Seada Palavrić

Predsjednica

Ustavnog suda Bosne i Hercegovine

Sarajevo, 8. novembra 2024. godine

Broj: SU-08-927-12/24

